

LAPORAN PEMERHATIAN

Pihak Tindak Malaysia, salah satu badan bukan kerajaan yang memberi tumpuan kepada pembaharuan sistem pilihan raya, baru - baru ini mengambil bahagian dalam proses pemerhatian pilihan raya negeri Johor 2022. Ini merupakan kali kesembilan dalam sejarah Tindak Malaysia, sejak penubuhannya pada tahun 2008, pihak kami memantau dan memerhati proses pilihan raya dari penamaan calon sehingga proses pengiraan undi. Berikut adalah maklumat - maklumat ringkas mengenai proses pemerhatian dari pihak Tindak Malaysia

PASUKAN

1. Pihak Tindak Malaysia hantar 1 orang Pemerhati yang mempunyai pengalaman dalam bidang Ejen Mengundi dan Ejen Mengira (PACA). Wakil Pemerhati kami ialah Tan Yiok Hoe dan dia pernah bertugas sebagai Pemerhati PRK Tanjung Piai (2019)
2. Pihak Tindak Malaysia hanya memantau DUN Bukit Pasir (Pagoh)
3. Kawasan pengundian dipantau : Sungai Raya (SK Sungai Raya), Pekan Bukit Pasir Barat (SJK (C) Yu Jern), Pekan Bukit Pasir Utara (SMK Bukit Pasir) dan Pekan Bukit Pasir Selatan (Dewan JKKK Pekan Bukit Pasir Selatan)
4. Kita bekerjasama dengan pihak Bersih dan Engage untuk mendapat liputan terluas untuk proses pemerhatian

CIRI PEMERHATIAN 1: SEBELUM HARI PENGUNDIAN

PEMERHATIAN NEGATIF

1. Pemerhatian **Negatif**: Walaupun pihak Tindak Malaysia pernah memaklumkan kepada pihak SPR pada hujung bulan Januari 2022 mengenai penambahbaikan untuk pengagihan pusat mengundi kepada para pengundi, kajian kami mendapati bahawa SPR masih mengagihkan pengundi bukan kepada pusat mengundi terdekat. Senarai ditunjukkan dibawah

DAERAH MENGUNDI YANG TERJEJAS	NAMA DAERAH MENGUNDI YANG MENJADI LOKASI PUSAT MENGUNDI
SUNGAI TERAP	SUNGAI RAYA
PEKAN BUKIT PASIR BARAT	PEKAN BUKIT PASIR UTARA
PEKAN BUKIT PASIR UTARA	SUNGAI RAYA
PERMATANG PASIR	PEKAN BUKIT PASIR BARAT

BUKIT PASIR	JORAK
PANCHOR	BANDAR PANCHOR

2. Pemerhatian **Negatif**: Walaupun tiada terdapat isu yang telah dibangkitkan untuk DUN ini, ketidaksamaan waktu pengundian untuk semua pusat mengundi di DUN Bukit Pasir tidak digalakkan. Walaupun isu ini telah dibangkitkan di DUN Bekok, pihak SPR harus bekerjasama dengan Pegawai Pengurus dan Calon untuk berkomunikasi waktu pengundian (waktu mula dan waktu tamat) secara jelas kepada semua pengundi di sesebuah DUN (contohnya melalui RTM, media cetak)

CIRI PEMERHATIAN 2: HARI PENGUNDIAN BIASA

PEMERHATIAN POSITIF

1. Pengundian bergerak secara lancar

PEMERHATIAN NEGATIF

1. Dewan sebagai pusat pengundian mungkin sesuai untuk pengundi. Akan tetapi, dewan tidak membawa keselesaan untuk petugas pilihan raya (Dewan JKKK Pekan Bukit Pasir Selatan)
2. Salah satu pengundi untuk SK Sungai Raya yang sepatutnya berkuarantin di rumah muncul dan dibenarkan untuk mengundi di khemah khas. Ini bercanggah dengan peraturan-peraturan ditetapkan oleh Kementerian Kesihatan Malaysia (KKM) - Tindak Malaysia tidak langsung bersetuju dengan peraturan KKM yang menghalang pengundi kes positif COVID-19 untuk mengundi (bercanggah dengan Perlembagaan and Akta-Akta Pilihan Raya)
3. Pen telah dijumpai di meja Kerani Pengundian 3 (KP3) untuk Saluran 4 SK Sungai Raya. Pihak pemerhati kami mengingatkan KTM untuk membetulkan situasi tersebut. Malangnya, walaupun pembetulan telah dibuat, KP3 masih dijumpai dengan pen

CADANGAN PENAMBAHBAIKAN:

1. Setiap daerah mengundi perlu direka dengan dua pusat mengundi yang terletak di dalamnya dan seberapa boleh, sesuai untuk pengundi OKU. Pengundi perlu diagihkan kepada pusat pengundian terdekat
2. Latihan Kerani Pengundian (KP) patut dipanjangkan daripada separuh hari ke sehari. KP perlu memahami tanggungjawab, perkara yang dibenarkan dan tidak dibenarkan untuk jawatan mereka secara mendalam. Kejadian KP3 mempunyai pen boleh dielakkan
3. SPR perlu meningkatkan komunikasi kepada para pengundi mengenai waktu pengundian.

4. SPR perlu mengelakkan situasi di mana satu DUN mempunyai pusat mengundi yang mempunyai waktu tamat berbeza. Jika situasi tersebut tidak boleh dielakkan, SPR, Pegawai Pengurus dan semua Calon bertanding di DUN tersebut bekerjasama untuk memaklumkan kepada para pengundi setelah akhirnya penamaan calon
5. SPR and KKM perlu bekerjasama untuk membenarkan pengundi kes positif COVID-19 untuk mengundi di tempat atau saluran yang selamat

SEKIAN

MAKLUMAT OLEH:

TAN YIOK HOE

PEMERHATI PRN JOHOR (BUKIT PASIR)

TINDAK MALAYSIA

DANESH PRAKASH CHACKO

PENGARAH

TINDAK MALAYSIA

DISUNTING OLEH:

DANESH PRAKASH CHACKO

PENGARAH

TINDAK MALAYSIA